

tum esse nutritionem spiritualem per gratiam datam à Christo Domino. Sic docet Doctor Angelicus Thom. 3. p. q. 79. & Scotus in 4. d. 8. q. 3. ante B pro cuius explanatione advertat, quod sicut in nutritione naturali sunt plura, ita etiam in spirituali nutritione, quæ per hoc Sacrosanctum Sacramentum fit. In primis sumptio alimenti, quo nutritur vivens, omne enim animal quoad vivit, necesse est, ut nutriatur, quo nutrimento calor naturalis reficitur, & ipsum nutrimentum viventi unitur & incorporatur. Item si vivens est in debita ætate, non solum nutritur, verum etiam augetur. Sic similiter in vita spirituali, quæ fit per gratiam, in qua per Baptismum regeneramur, oportet ut fiat, unde vita ista indiget nutritione, qua calor supernaturalis Charitatis augetur, quæ nutritio fit per sumptionem huius Sacramenti Eucharistiæ, ad hoc enim principaliter fuit institutum. Unde provenit ut sumens hoc Sacramentum, ipsi Sacramento uniat, & incorporetur, & in ipsum transeat per gratiam. Item quia semper dum sumus viatores, sumus in debita ætate ad crescendo in gratia, perinde in hoc Sacramento causatur semper augmentum gratiæ, & c.